

重刊道藏輯要

元始无量度人上品妙經卷之一

道言昔於始青天中碧落空歌大浮黎土受元始度人无量上品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來飛雲丹霄綠輿瓊輪羽蓋垂蔭流精玉光五色鬱勃洞煥太空七日七夜諸天日月星宿璇璣玉衡一時停輪神風靜默山海藏雲天無浮翳四氣朗清一國地土山川林木緬平一等無復高下土皆作碧玉無有異色眾真侍座元始天尊立坐空浮五色獅子之上說經一徧諸天大聖同時稱善是時一國男女聾病耳皆開聰說經

道藏輯要

度人妙經

一

角集一

XXXX

二徧盲者目明說經三徧暗者能言說經四徧跛痾積逮皆能起行說經五徧久病痼疾一時復形說經六徧髮白反黑齒落更生說經七徧老者反壯少者皆強說經八徧婦人懷姙鳥獸含胎已生未生皆得生成說經九徧地藏發泄金玉露形說經十徧枯骨更生皆起成人是時一國是男是女莫不傾心皆受護度咸得長生

道言是時元始天尊說經一徧東方无極无量品至真大神無鞅之眾浮空而至說經二徧南方无極无量品至真大神無鞅之眾浮空而至說經三徧西方无極无量品至真大神無鞅之眾浮空而至說經四徧北方无極无量品至真大神無鞅之眾

浮空而至說經五徧東北无極无量品至真大神無鞅之眾浮空而至說經六徧東南无極无量品至真大神無鞅之眾浮空而至說經七徧西南无極无量品至真大神無鞅之眾浮空而至說經八徧西北无極无量品至真大神無鞅之眾浮空而至說經九徧上方无極无量品至真大神無鞅之眾浮空而至說經十徧下方无極无量品至真大神無鞅之眾浮空而至十徧周竟十方无極天真大神一時同至一國男女傾心歸仰來者有如細雨密霧無鞅之眾迨國一半土皆徧陷非可禁止於是元始懸一寶珠大如黍米在空玄之中去地五丈元始登引天真大神上聖高尊妙行真人十方无極至真大神無鞅數眾俱

道藏輯要

度人妙經

二

角集一
x 158

入寶珠之中天人仰看唯見勃勃從珠口中入既入珠口不知所在國人廓散地還平正無復欲陷元始卽於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行善心不殺不害不嫉不妬不淫不盜不貪不欲不憎不妬言無華綺口無惡聲齊同慈愛異骨成親國安民豐欣樂太平經始出教一國以道預有志心宗奉禮敬皆得度世

道言元始天尊說經中所言並是諸天上帝內名隱韻之音亦是魔王內諱百靈之隱名也非世上之常辭上聖已成真人通

玄究微能悉其章誦之十過諸天遙唱萬帝設禮河海靜默山
嶽藏雲日月停景璇璣不行羣魔束形鬼精滅爽迴屍起死白
骨成人至學之士誦之十過則五帝侍衛三界稽首魔精喪眼
鬼祇滅爽濟度垂死絕而得生所以爾者學士穢氣未消體未
洞真召制十方威未制天政德可伏御地祇束縛魔靈但卻死
而已不能更生輕誦此章身則被殃供養尊禮門戶興隆世世
昌熾與善因緣萬灾不干神明護門斯經尊妙獨步玉京度人
无量爲萬道之宗巍巍大梵德難可勝

道言凡誦是經十過諸天齊到億曾萬祖幽魂苦爽皆卽受度
上昇朱宮格皆九年受化更生得爲貴人而好學至經功滿德

道藏輯要

度人妙經

三

角集一

就皆得神仙飛昇金闕遊宴玉京也上學之士修誦是經皆卽
受度飛昇南宮世人受誦則延壽長年後皆得作尸解之道魂
神暫滅不經地獄卽得返形遊行太空此經微妙普度無窮一
切天人莫不受慶无量之福生死蒙惠上天所寶不傳下世至
士齋金寶效心盟天而傳輕泄漏慢殃及九祖長役鬼官侍經
五帝玉童玉女各二十四人營衛神文保護受經者身

道言正月長齋誦詠是經爲上世亡魂斷地逮役度上南宮七
月長齋誦詠是經身得神仙諸天書名黃錄白簡削死上生十
月長齋誦詠是經爲國王帝主君臣父子安鎮國祚保天長存
世世不絕常爲人君安鎮其方民稱太平八節之日誦詠是經

得爲九宮真人本命之日誦詠是經魂神澄正萬炁長存不經
苦惱身有光明三界侍衛五帝司迎萬神朝禮名書上天功滿
德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲炁之中內外蒼冥有青龍白虎朱雀玄武獅子白鶴羅
列左右日月照明洞煥室內頂生圓象光映十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今

道藏輯要

度人妙經

四

角集一
1181

日吉慶長齋清堂修行至經无量度人願所啟上徹徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章上品妙首十迴度人百魔隱顯離合自然
混沌赤文无无上真元始祖劫化生諸天開明三景是爲天根
上无復祖唯道爲身五文開廓普殖神靈无文不光无文不明
无文不立无文不成无文不度无文不生是爲大梵天中之天
鬱羅蕭臺玉山上京上極无上大羅玉清渺渺劫初若亡若存
三華離便大有妙庭金闕玉房森羅淨霽大行梵炁周迴十方
中有度人不死之神中有南極長生之君中有度世司馬大神
中有好生韓君丈人中有南上司命司錄延壽益算度厄尊神
迴骸起死无量度人今日校錄諸天臨軒

道藏輯要

度人妙經

五

角集一
川云

東方无極飛天神王長生大聖无量度人
南方无極飛天神王長生大聖无量度人
西方无極飛天神王長生大聖无量度人
北方无極飛天神王長生大聖无量度人
東北无極飛天神王長生大聖无量度人
東南无極飛天神王長生大聖无量度人
西南无極飛天神王長生大聖无量度人
西北无極飛天神王長生大聖无量度人
上方无極飛天神王長生大聖无量度人
下方无極飛天神王長生大聖无量度人

十方至真飛天神王長生度世无量大神並乘飛雲丹輿綠輦
羽蓋瓊輪驂駕朱鳳五色玄龍建九色之節十絕靈旛前嘯九
鳳齊唱後吹八鸞同鳴獅子白鶴嘯歌邕邕五老啟途羣仙翼
輶億乘萬騎浮空而來領光迴駕監真度生諸天丞相南昌上
宮韓司主錄監生大神執錄把籍齊到帝前隨所應度嚴校諸
天普告三界無極神鄉泉曲之府北都羅酆三官九署十二河
源上解祖考億劫種親疾除罪簿落滅惡根不得拘留逼合鬼
羣元始符命時刻昇遷北都寒池部衛形魂制魔保舉度品南
宮死魂受鍊仙化成人身受度劫劫長存隨劫輪轉與天齊
年永度三途五苦八難超凌三界逍遙上清上清之天天帝玉
道藏輯要

度人妙經

六

角集一
川又川

真無色之境梵行

東方八天

太皇黃曾天

帝鬱繼玉明

太明玉完天

帝須阿那田

清明何童天

帝元育齊京

玄胎平育天

帝劉度內鮮

元明文舉天

帝醜法輪

上明七曜摩夷天

帝恬愴延

虛无越衡天

帝正定光

太極濛濛天

帝曲育九昌

南方八天

赤明和陽天

帝理禁上

玄明恭華天

帝空謠魄首

耀明宗飄天

帝重光明

竺落皇笏天

帝摩夷妙辯

虛明堂曜天

帝阿酈婁生

觀明端焉天

帝鬱密羅

玄明恭慶天

帝龍羅菩提

太煥極瑤天

帝宛黎無延

西方八天

道藏輯要

度人妙經

七

角

元載孔昇天

帝門真定光

太安皇崖天

帝婆婁阿貪

顯定極風天

帝招恒童

始皇孝芒天

帝薩羅婁王

太皇翁重浮容天

帝閔巴在

无思江由天

帝明梵光

上揲阮樂天

帝勃勃監

無極曇誓天

帝飄駕空降

北方八天

皓庭霄度天

帝覺昏

淵通元洞天

帝梵行觀生

太文翰寵妙成天

帝那育醜瑛

太素秀樂禁上天

帝龍羅覺長

太虛无上常容天

帝總監鬼神

太釋玉降騰勝天

帝眇眇行元

龍變梵度天

帝運上玄玄

太極平育賈奕天

帝大擇法門

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
九和十合變化上清無量之奧深不可詳敷落神眞普度天人

道藏輯要

度人妙經

八

角集一
x。x

今日欣慶受度歷關諸天請滅三惡斬絕地根飛度五戶名列
太玄魔王監舉無拘天門東斗主算西斗記名北斗落死南斗
上生中斗大魁總監眾靈青帝護魂白帝侍魄赤帝養氣黑帝
通血黃帝中主萬神无越青天魔王巴元醜伯赤天魔王負天
擔石白天魔王反山六日黑天魔王監醜朗馥黃天魔王橫天
擔力五帝大魔萬神之宗飛行鼓從總領鬼兵麾幢鼓節遊觀
大空自號赫奕諸天齊功上天度人嚴攝北酆神公受命普掃
不祥八威吐毒猛馬四張天丁前驅大帥仗旛擲火萬里流鈴
八衝敢有干試拒遏上眞金鉞前戮巨天後刑屠割鬼爽風火
無停千千截首萬萬剪形魔無千犯鬼無祆精三官北酆明檢

鬼營不得容隱金馬驛程普告無窮萬神咸聽三界五帝列言
上清

元洞玉厯龍漢延康眇眇億劫混沌之中上無復色下無復淵
風澤洞虛金剛乘天天上天下無幽無冥無形無影無極無窮
溟津大梵寥廓無光赤明開圖運度自然元始安鎮敷落五篇
赤書玉字八威龍文保制劫運使天長存梵炁彌羅萬範開張
元綱流演三十二天輪轉無色周回十方旋斗厯箕回度五常
三十五分總炁上元八景冥合炁入玄玄玄中太皇上帝高真
汎景太霞嘯詠洞章金真朗郁流響雲營玉音攝炁靈風聚烟
紫虛鬱秀輔翼萬仙千和萬合自然成真真中有神長生大君
道藏輯要

度人妙經

九

角集一
xol

無英公子白元尊神太一司命桃康合延執符把籙保命生根
上遊上清出入華房入冥之內細微之中下鎮人身泥丸絳宮
中理五炁混合百神十轉回靈萬炁齊仙仙道貴生无量度人
上開八門飛天法輪罪福禁戒宿命因緣普受開度死魂生身
身得受生上聞諸天諸天之上各有生門中有空洞謠歌之章
魔王靈篇辭參高真

第一欲界飛空之音

人道渺渺

仙道莽莽

鬼道樂兮

當人生門

仙道貴生

鬼道貴終

仙道常自吉

鬼道常自凶

高上清靈爽

悲歌朗太空	唯願仙道成	不欲人道窮
北都泉曲府	中有萬鬼羣	但欲遏人算
斷絕人命門	阿人歌洞章	以攝北羅酆
束送祆魔精	斬馘六鬼鋒	諸天炁蕩蕩
我道日興隆		

第二色界魔王之章

落落高張	明炁四騫	梵行諸天
周迴十方	无量大神	皆由我身
我有洞章	萬徧成仙	仙道貴度
鬼道相連	天地渺莽	穢氣氛氛

道藏輯要

度人妙經

十

角集一

三界樂兮	過之長存	身度我界
體入自然	此時樂兮	薄田我恩
龍漢蕩蕩	何能別真	我界難度
故作洞文	變化飛空	以試爾身
成敗懈退	度者幾人	笑爾不度
故爲歌音		

第三無色界魔王歌曰

三界之上	眇眇大羅	上無色根
雲層峩峩	唯有元始	浩劫之家
部制我界	統乘玄都	有過我界

身入玉虛

我位上王

匡御眾魔

空中萬變

穢氣紛葩

保真者少

迷惑者多

仙道難固

鬼道易邪

人道者心

諒不由他

仙道貴實

人道貴華

爾不樂仙道

三界那得過

其欲轉五道

我當復奈何

此三界之上飛空之中魔王歌音音參洞章誦之百徧名度南
宮誦之千徧魔王保迎萬徧道備飛昇太空過度三界位登仙
公有聞靈音魔王敬形救制地祇侍衛送迎拔出地戶五苦八
難七祖昇遷永離鬼官魂度朱陵受鍊更生是謂无量普度无

道藏輯要

度人妙經

土

角集一

窮有祕上天文諸天共所崇世慢墮地獄禍及七祖翁

道言此二章並是諸天上帝及至靈魔王隱祕之音皆是大梵
之言非世上常辭言無韻麗曲無華宛故謂玄奧難可尋詳上
天所寶祕於玄都紫微上宮依玄科四萬劫一傳若有至人齋
金寶質心依舊格告盟十天然後而付焉

道言夫天地運度亦有否終日月五星亦有虧盈至聖神人亦
有休否末學之夫亦有疾傷凡有此災同氣皆當齊心修齋六
時行香十徧轉經福德立降消諸不祥无量之文普度無窮
道言夫末學道淺或仙品未充運應滅度身經太陰臨過之時
同學至人爲其行香誦經十過以度尸形如法魂神逕上南宮

隨其學功計日而得更生轉輪不滅便得神仙

道言夫天地運終亦當修齋行香誦經星宿錯度日月失昏亦當修齋行香誦經四時失度陰陽不調亦當修齋行香誦經國主有災兵革四興亦當修齋行香誦經疫毒流行兆民死傷亦當修齋行香誦經師友命過亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中魔王亦保舉爾

道藏輯要

度人妙經

主

角集一
川川八

身得道者乃當洞明至言也

諸天中大梵隱語无量音 道君撰

元始靈書上篇

東方入天

廣生高映 覺元洞虛 應玄九真

化交肇圖 文靈運構 宗範玄都

感變總括 威昭自成 綠岑遷景

皇道含明 天琳耀權 炁晶育魂

融羅負立 圓英隱旻 期巨神包

洪綱告甯

南方八天

章炎通泛 堅敷澄宗 虛象玄華

龍陽儼穹 微正霄豔 淵太凝沖

元關三紐 大梵飛空 隱覺龍益

天倫慶呈 神戶纏絡 眞元散精

淨握冥照 回合升遷 導騫宴雲

靈應騰天

西方八天

剛澤微控 陰峻孤儀 貫炁明素

宸洞開微 周化幽應 澄輝帝臺

道藏輯要

度人妙經

三

角集一

平遐挹虛 恢茂童池 結飈臨育

麗無散開 陽通百六 沈芒隱階

幽廓冥默 眞峯會靈 堅不順道

告命騫林

北方八天

龍安洞變 純陽隱玄 方本還炁

象伏高員 神變惠允 解鍊靈根

赤精純道 城號威尊 利雲友常

億仞中邱 鬱成瓊壘 謠音慶流

受位玉室 大憲通幽 玄章煥落

綱輪迺周

元始靈書中篇 道君譔

東方八天

喜婁阿耨

無愁觀音

須延明首

法攬菩曇

稼那阿奕

忽訶流吟

華都曲麗

鮮菩育臻

答落大梵

散烟慶雲

飛灑玉都

明魔上門

無行上首

回蹠流玄

阿陀龍羅

四象吁員

南方八天

道藏輯要

度人妙經

古

角集一

南閻洞浮

玉眸詵詵

梵形落空

九靈推前

澤洛菩臺

緣羅大千

眇莽九醜

韶謠緣邇

雲上九都

飛生白騫

那育郁馥

摩羅法輪

靈持無鏡

攬姿運容

馥朗廓奕

神纓自宮

西方八天

刀利禪猷

婆泥咎通

宛藪滌色

太眇之堂

流羅梵萌

景蔚蕭嶠

易邈無寂

宛首少都

阿縊郁竺

華莫延由

九開白辯

阿那品首

无量扶蓋

浮羅合神

玉誕長桑

柏空度仙

北方八天

獲無自育

九日導乾

坤母東覆

形攝上玄

陀羅育邈

眇烝合雲

飛天大醜

總監上天

沙陀劫量

龍漢瑛鮮

碧落浮黎

空歌保珍

惡奕無品

洞妙自真

元梵恢漠

幽寂度人

道藏輯要

度人妙經

五

角集一

道言此諸天中大梵隱語无量之音舊文字皆廣長一丈天真
皇人昔書其文以爲正音有知其音能齋而誦之者諸天皆遣
飛天神王下觀其身書其功勤上奏諸天萬神朝禮地祇侍門
大勳魔王保舉上仙道備剋得遊行三界昇入金門此音無所
不辟無所不禳無所不度無所不成天真自然之音也故誦之
致飛天下觀上帝遙唱萬神朝禮三界侍軒羣魃東首鬼精白
亡琳琅振響十方肅清河海靜默山嶽吞煙萬靈振伏招集羣
仙天無氛穢地無祇塵冥慧洞清大量玄玄也

元始靈書下篇

天真皇人譔

東方八天

森角儲雲 九魂鍊晶 枳默窺玦

浮枚白跡 鹿幾陽房 碧提鄮回

池溟黨負 跂追謁攜 蒸章變瑜

蘭泮壁環 亢滂野生 極中昆清

曜展洞涸 寂無眇凝 素倚虛羅

皇達元靈

南方八天

炎鑊綽堂 太霄謠隅 厯遐薦漪

周局加圖 披翥蹊臆 觚亶渾都

戟芸条炫 井欺持蒲 掌維迮儀

道藏輯要

度人妙經

末

角集一
八ノリノ

奕沆琅璫 扁屨益但 幽微畢雷

涓湟賁東 赤曜叢稽 玉玄演候

柏渠至規

西方八天

鎬正左適 婆泥煞靈 悲招均疆

泊南躔魁 靜夷損光 混元覺緣

道守岑遙 綿徵知宣 太靈湮漠

昂和廬隨 哲京常華 墟咸堅沙

栗鐸黜株 會衍球裴 卓雲青府

業覩般基

北方入天

注孩蒙甘

翠宇九蘭

蕭鈞連興

龍汾神關

溝淪沉魔

豁轡祈通

玄寥亢息

無知肆明

蟒修吉夕

馥壇時畎

湯長敷昌

匪庸謹濟

朝康聖寬

祕法修宜

廣帝理生

衛肇宏人

天真皇人梵炁玄遼天寶自然八合之音主治世會地壘洪澤
變災厄難誦詠之者禳辟祆祥清淨道炁無不甯也地官奉書
百靈敬畏神朱寫文服佩明驗施之於至學不宣於下俗也

道藏輯要

度人妙經

七

角集一

太極真人頌

神雲煥層虛

梵羅屯碧霄

元始九龍駕

皇人按青輶

靈光集萬真

珠景開陽寥

出示靈寶篇

福德由是招

洞玄隱高嚴

玉音泛雲璈

无量匪得思

道海生波濤

法義同涓流

滋植成嘉苗

用以拯饑窮

教興衛中朝

帝尊壽億年

太平滅兵刀

稽首望玉宸

靈華散金毫